

絕不必復設土官又按視斷藤峽諸處徭賊上連入  
寨下通仙臺花相諸洞彼此犄角流劫郡縣國初以  
來屢征不服乃檄叅將張經會同守巡各官集議分  
兵布哨以永順土兵進勦牛腸等賊巢保靖土兵進  
勦六寺城巢先是賊酋訶知守仁駐劄南寧寂無征  
勦消息又不見調兵集糧遂皆怠弛不以爲意至是  
突遇官兵四面攻圍各賊倉惶失措擒斬頗多餘賊  
退敗復據仙女大山憑險結寨我兵追圍拔木緣崖  
仰攻復大破賊寨乘勝復攻破油碛石壁大陂等巢  
餘賊奔至斷藤峽橫石江邊因追兵緊急爭渡覆溺